

TERENTII CHRISTIANI
TRIUMPHUS
CHRISTI,

Sive

COMOEDIA DE TRIUM-
PHO CHRISTI, STYLO TE-
RENTIANO, à CORNELIO SCHO-
NÆO GOUDANO, quoidam Gymnasi-
archæ Harlemensi, conscripta,

In usum STUDIOSÆ JUVENTUTIS,
ludos scenicos adamantis,

Seorsim edita.



A B O Æ,

Excusa à JOHANNE Winter/
ANNO 1670.

TERENTII CHRISTIANI
TRIUMPHUS CHRISTI.
Actorum Nominia.

THRASO,
SANGA,
DONAX,
SIMALIO, } *Sepulchri custodes.*

MAGDALENA,
MARIA,
SALOME,
ANGELUS,
JESUS.

CAIPHAS.
ANNAS, } *Judeorum Principes.*

PETRUS,
JOANNES,
THOMAS, } *Apostoli.*

CLEOPHAS,
LUCAS. } *Discipuli.*

PRO-



PROLOGUS.

Jambici.



*Alute vos, hic quotquot accessistis, plurimā
Puerorum impertit grex, auditorū ludi scenici,
Quem hic vobis sumus exhibituri novum, pium,
Ac sacrum: ex sacro Evangeliorum sumptum co-
dice.*

*Sed antequām, hic quis sit futurus, proferam,
Paucis mihi vobiscum agendum esse arbitror.
Poëtis veteribus, qui in arte comicā
Sibi elaborandum putaverunt, id maxime
Fuit curae, populo, ut placerent, quas fecissent fa-
Itaq; jocis, salibus, facetijs, atq; (bulas.
Ditterijs, quamvis lascivioribus, sēpè, ac parum
Verecundis, quæsitis, & captatis undiq;,
Popularem conabantur aucupari gratiam.
Quod ut facerent, ipsa illos compellabat res: nisi
Explodi, quām stare suas maluissent fabulas.
Quod, præter alios, Comicorum principi
Terentio haud semel usu venisse legimus.
Nunc nostra etas aliam vitam, alios mores po-
stulat. (ptatis*

*Negq; enim quæ tantum delectent, aut quæ volu-
Illecebris in animos auditorum insluant:
Sed potius quæ doceant, quæq; salubribus*

Monitis, ac præceptis vos meliores reddant, sibi
Poëtae xvi nostri in medium adferenda existimat.
Inter quos Schonanus noster didascalus,
Nomen non dubitat profiteri suum: quod hactenus
Talia scripsit, palamq; spectanda edidit,
Ult qui inter vos animo sint benevolo, atq; candi-
Illius haud facile possent, aut debeant (do,
Culpare operam, aut industriam improbare.

Felicissimus

Ille profectò esset, si omnibus placeret: sed
Id quia nulli unquam contigit mortalium,
Quod proximum est, bonis nimirum cùm placet,
Abiude sufficere hoc sibi debere arbitratur: nec
Quicquam omnino sperandum, aut optandum
amplius.

Sed vereor ne prolixiore oratione vos
Offendam: atq; ideo desino. Nunc Comœdia
Hujus quam sumus acturi, audite periocham.

COMOEDIAE PERIOCHA.

Reviviscit Christus. Iudeos corripit
Metus. Mox convocato concilio, ei malo
Remedium querunt, inductis pecuniâ
Custodibus sepulchri, ut corpus clanculum
Ab ejus discipulis ablatum dicerent.
Christus varijs locis, suis se se exhibet
Conspiciendum. Lætantur omnes affatim.
Solus Thomas, illum qui nondum viderat,
Diffidit. Cui Christus, se ostendens denuo,
Animum confirmat, magnog; implet gaudio.

ACTUS I. SCENA I.

THRASO, SANGA, DONAX, SIMALIO.
Jambici.

DEum immortalem! quidnam hoc monstri,
aut prodigii

Est serva me miserum. Perii, interii planissime.

SAN. O populares, date viam quâ fugere liceat!
Removete quicquid me posset remorarier.

Sed nego quo fugiam, nego ubi me abscondam, nego
Dedecus hoc quomodo celer, scio infelix: ita

Tremo, ita paveo, adeoque me pudet mei.

DON. Nullus sum, totus occidi miser, genua mihi
Horrore succidunt, vox deficit, lingua

Hæret fauibus. Vah, ne salus quidem

Nobis salutem adferre, si cupiat, potest.

SIM. Ebo, quid hæc sibi res vult obsecro? huncine
De improviso mihi objici metum tantum?

Ut neque quo pacto evadam, aut ubi lateam, cer-
tum siet?

Membra tremore debilia sunt, mens formidine
Planè obstupuit mihi. Næ nos missi sumus

Huc auspicio malo. Ebo Thraso, quò fugis?

Siccine me solum deseris? THR. Ego pol neque

Quò fugiam, nec quò me recipiam scio:

Ita nunc penitus oblitus sum mei Simalio.

SAN. Prò summe Deus! unde hic tam subito mihi
oberitur timor?

Cùm non alius me soleat esse confidentior?

Ah, quid sibi vult hic tremor? quid isthuc est mali?

Nequeo satis mirari, nego conjicere, nisi

*Me saga quæpiam suis
Excantarit præstigiis. Ah, nescio unde nunc
Vel auxilii vel perfugii mihi parem copiam.
Hem, quo pacto se res habent Thrafo? Bene est:
Salvum te esse gaudeo. THR. Non diu erimus
Sanga,*

*Nisi nos hinc statim subducamus. SIM. Fugiamus
Dum possumus, dūq; in columnes sumus: nam mens
Nescio quid mihi profectò præsagit mali.*

*DON. Non pol temere est, nostri quod sic obstu-
puerint (at,*

*Animi: & nescio quis fulgor è sepulchro effulge-
Quem oculi non ferunt mei: atque ideo in pedes
Me quantum queo. SIM. Echo Donax, siccine
Nos hic relinquis solos? Ehem. quid stamus?
Cur non & nobis prospicimus in tempore?*

*THR. Agitedum, quisq; sibi consulat, ego nem-
nem (non aliis sinit.*

*Moror. Tempus enim hoc præcavere me mihi,
Vos omnes obtestor, fugam*

*Nostram qui forte conspexeritis, si quis nos
Consectetur, ne monstratis, quâ auffugerimus
viâ.*

ACTUS I. SCENA II.

*MAGDALENA, MARIA, SALOME, ANGELUS,
Ejusdem generis versus.*

*E Ho sorores, diluxit, uti conspicamini.
Eamus, nullaque remoretur nos cunctatio: ut
Christi, Magistri nostri corpus supremo*

Decoremus munere. MAR. Regle atq; pie: ingra-
tæ enim (nos)
Essemus, atq; ab omni humanitate alienæ, si in eo
Tardas aut negligentes præbeamus. SAL. Est
Ulti dicas soror: neque (Agite,

Quiequam est, quod æquè fecero lubens. MAG.
Properemus igitur: nam res non patitur moram.
Sed ô nos infelices! quæ tam benevolo,
Tamq; benigno, comiq; Magistro, atq; Domino
Spoliatæ sumus. Ab, tum demum nostra intelli-
gimus bona,

Cum ea, quæ in poteestate habuimus ante, amisi-
mus.

Hoccine memorabile, atq; credibile est? tantam
Perversitatem, invidiamque innatam esse homi-
nibus, ut

Qui maximè ipsis consultum velit, eum oderint,
Insectentur, & è vita sublatum optent maximè!
O Hierosolyma, Hierosolyma, præ ceteris
Christo longè semper infestissima civitatibus!
Quid isthuc? adeon' rem rediisse, ut qui omnia
Sibi postputarit esse præ tua salute,
Eum tu tam procaciter rejaceris?

Qui vitæ tibi fuit auctor, ei uti malefico
Vitam ademeris? Eheu, siccine tam bene merito
gratiam (stimas,

Refers? Si illum tibi in crucem tollendum exi-
Vitæ qui auxilium tulit, quid facias illi, qui dedit
Damnum aut malum. MAR. Mirum quæ illis
dementia

8 TERENTII CHRIST.

*Excœcarit animum, ut tam crudele facinus,
Atq; horrendum scelus perpetrare fuerint
Ausi. SAL. Dicā soror. Mala mens, malus animus.
MAG. Recte, atq; verè tu quidem istuc: pertinax
Enim illorum procul dubio id effecit nequitia,
Ac vehemens gloriae, atq; honorum cupiditas.
Nam ubi animus pravę ambitioni se semel
Obstrinxit, consilia necesse est consequi
Consimilia. Sed in ultum, sat scio, istud auferent
Nunquam: brevi futurum tempus auguror,
Suam cùm frustra deplorabunt contumaciam:
Nolo in eos quicquam gravius ominarier:
Ipsi posteriūs sentient. Sed non procul
A sepulchro absimus, ut videtis. MAR. Sic est.
At nescio quo pacto animus mihi magno inhore-
rescat metu.*

*SAL. Ego quoq; præ formidine
Vix subsisto misera. MAG. Credo, sed quis nobis
amoverit*

*Saxum ingens à sepulchro? gravius est enim
Quàm ut nos queamus amolirier. MAR. Id onus
Certè fæmineis est impar viribus. SAL. O nos mi-
ferrimas!*

*Ultinam hic esset aliquis, qui auxiliū nobis ferat.
MAG. Accedam proprius. Deum immortalem!
quam novam*

*Ego rem hic video? MAR. Eho, quid vociferare
Magdalene?*

*Cedo sodes. MAG. Næ nos mulieres omnium
Quæ vivunt felicissimæ sumus, SAL. Quid ita?
Elo-*

Eloquere amabò. MAG. Ecce amorum saxum.
 MAR. Deus (qui
Bone! boni quid cōspicio? MAG. At, at, quis iste,
 E sepulchro elucet, fulgor? & nisi
 Mihi oculi hallucinantur, video adolescētes duos
 Divina specie ac forma resplendentes, atque ful-
 guris

Instar corruscantes. SAL. *Video & ego, præmetu-*
Membra mihi tremunt miseræ. MAR. *Abeamus*
hinc sodes

Sorores, divinum istum splendorem oculi non fe-
 runt mei.

ANG. Non est quod metuatis, aut trepidetis mu-
 fieres:

Estote bono animo; quem quæratis scio. At
 Hic illum non invenietis: iam dudum enim
 Vivus è sepulchro surrexit, quem mortuum
 Vos lugetis. Agitedum sodes, mittite
 Formidinem: tuta, atque salva sunt vobis
 Omnia. *Quod eventurum saepius vester*
Magister prædixit, nunc contigit, nempe
Ita decretum fuisse arcano, atque inscrutabili
Patris coelestis consilio, ut pro culpa, & crimine
Hominum moreretur: tertio tamen revicturus
die.

Quod accidisse ego nunc vobis nuncio.
 Ecce vacuum, atque inane sepulchrum. accedite
 Propius, atq; intr̄spicite. MAR. *Eho, retinet me.*
 SAL. *Non possum misera: nam ego quoq; præfor-*
midine

Vix pedibus infuso. MAR. Ah, quantus me corripuit metus.

Neque mirum: quid enim est unquam visum prodigiosius?

O Deus! serva nos obsecro.

MAG. Echo sorores, animum recipite: nihil hic,
Ut auguror, nobis eventurum est mali. At

*Quid hoc? quo tam subito adolescentes isti duo
Ex nostris evanuerunt oculis? MAR. Mirum ni
Angeli*

*Fuerint huc è cælo demissi. SAL. Verum mihi
Videris dicere soror: nam divina in eis,
Non humana reluebat formæ gratia.*

MAG. Sic est profectò. Nunc in urbem protinus
Recurramus, uti ea, quæ hic vidimus, nostris
Commemoremus: animumq; illis expleamus
Gaudio. MAR. *Placet.* SAL. *Næ nos lætum adfere-
mus nuncium.*

ACTUS I. SCENA III.

CAIPHAS.

Ejusdem generis versus.

UT nihil quietis est in pectore, propter nun-

cium

Istum, quem ad me modò pertulerunt ex iis

Quidam, quos istius impostoris sepulchro

Servando præfecimus,

Nimirum terrore, ac repentino metu

Se perculsos, turbatosque monumentum

Reliquisse omnes. Atq; adeo id existimare

Certò nunc accidisse, quod de eo fuit.

Ante

Ante prædicatum: nempe ut tertio die
 Revivisceret. Id ne nunc verè contigisse
 Credant multi, periculum puto esse maximum.
 Et ne istud fiat, nobis, quotquot rem euramus
 publicam,
 Enitendum est sedulò. Itaque consilium erit
 Inveniendum, quo huic occurramus malo. Nam
 si id (mus funditus.
 Populo semel fuerit persuasum, actum est, perii-
 Quare ne quid tale eveniat, summa est adhiben-
 da cautio.
 Sacerdotum itaque & scribarum collegium,
 Cœtumque omnem jubebo convocarier:
 Ut ex eorum decreto, quod ad hanc rem opus e-
 Primo statuatur tempore. ----- (rit,

ACTUS I. SCENA IV.

MAGDALENA, MARIA, SALOME, JESUS.

Eiusdem generis versus.

----- Properate sodes

Sorores, ego præcedo, vos sequimini.

MAR. Agedum, sequemur sedulò.

SAL. Hem, Magdalena, quis is est obsecro, quem
 nobis obviām (affeat viam.

Venire video? MAG. Nescio Salome. MAR. Ad nos

JES. Salvete fœminę. MA. Salve vir humanissime.

JES. Magdalena, salve. nostin' voœem auditam
 sœpius?MAG. At, at, quid hoc prodigiū est? tu magister,
 Profecto, tu magister meus es. salvum te esse gau-
 deo.

MAR.

MAR. Deus bone. prælætitia, atque metu, quid agam nescio.

JES. Estote animo bono. Non spectrum est, quod videtis, aut

Phantasma. Me, me, inquam, vivum salvumque conspicamini.

Nunc itaq; absque ulla mora renunciate Fratribus, quæ vidistis: eisq; uti in Galilæam Se conferant, meis præcipite verbis: ibi me eos Visuros, festinate inquam, lætoque tristes Exhilarate nuncio, nimirum me revixisse: Mox ad Patrem, mihi vobiscum communem, ascensurum.

Deponant igitur terrenos affectus, & animum Ad spiritualia, & cœlestia erigant.

MAG. Domine Domine, siccine me relinquis misericordiam?

Et tecum ut colloquar amplius, negas mihi?

Sal. O Magdalena, cohibe te fodes, quid obsecro Nobis felicius? quando illum, quem extinctum, atque mortuum

Existimabamus, vivum salvumque ipsæ conspicimus. (fratribus)

Quid rem tam prodigiosam nostris impertire Cessamus? MAR. Non dubium est nunc nobis quin revixerit:

Cum & Angeli ante istud factum esse dixerint, Et ipse jam conspiciendum se præbuerit nobis.

MAG. O insperatum gaudium! Sed vereor ut Nobis fides habeatur, rem admirabilem,

Nec

Nec unquam alias auditam nunciantibus.

Sal. Metuo id ego quoque: nam mulieribus, facilis
Illa ad credendum proclivitas, apud viros
Plerumq; fidem derogat. Nihilominus tamen
Ego verum id esse arbitror: adeo animus insolito
Mihi gestit gaudio. MAR. Agite pergamus: Jam
non procul

Ab urbe absimus: Et verbis non possum eloqui,
Quam cupida sim haec nostris narrare, Et per
totum

Divulgare oppidum. MAG. Neq; ego hoc celabo
Quenquam; etiam si mortis periculum ex eo
Sciam oriturum mihi. SAL. Euge soror, sic decet.

ACTUS II. SCENA I.

CAIPHAS, ANNAS.

Jambici.

Quid nunc agimus Anna? actum est, siquidem
illi verum prædicant.

AN. Ego nego quid dicam, nego quid consulam scio:
Adeo me tristissimus hic perturbavit nuncius.

Vah, quid hoc monstri est? Iracundia vix sum
Apud me. Pro Deum immortalem! quæ est, si non
haec maxima

In nos dicenda est contumelia. CAI. Rumor hic
In ore est omni populo. Hoc ex ædibus
Mihi modò prodeunti, quot dixerunt nihilominus
tamen

Ut verè haec accidisse credam, animum non pos-
sum inducere.

Quid

Quid tu anna? certane illa esse putas omnia?

AN. Dicam sanè quod sentio,

Tu dījūdica. Veluti cacodemonis

Ope, atq; subsidio vivus multa edidit

Miracula, ita nunc quoq; suis

Præstigijs eundem illum, quo familiariter

Dum vivebat, utebatur, impium

Genium illusisse arbitror custodibus.

Hinc ille terror, hinc illa trepidatio.

CAI. Verisimile profecto, atq; adeò verum mihi,

Vt ex animo loquar, videris dicere. AN. Quod
si id non fuit, (derier;

Aut si istud populo non facilè posse putas persua-
Habeo aliud quod magis probes.

CAI. Agedum, profer amabo: nam audire gestio.

AN. Sepulchri custodes ad nos huc cōvocabimus,
Eisq; maxima obtrusâ pecuniæ

Summâ, quam ad eam rem nunc domo extuli, si-
lentium

Imponemus. CAI. Rectè, laudo. AN. Hem, mane
Et sine

Me pervenire quò volo. CA. Perge, nihil impedio.

AN. Aliud majus ab ijs exequendū nobis existimo.

CAI. Quid? dic sodes. AN. Ut vanum, inanemq;
Fuisse predicent: neq; (metum eum

A morte surrexisse illum, sed dormientibus

Ipsis, discipulos ejus venisse, atq; corpus illius

Abstulisse clanculum. Quid hoc? CA. Probè her-
cule,

Nunquam audivi melius consilium dari.

Neq;

Neq; dubium est, quin id pecunia facile ab iis
Impetraturi sumus: aurum enim, &
Argentum quid non efficit?

AN. Nihil est tam sanctum, quod non violari,
nihil

Tam munitum, quod non expugnari pecunia
Posit. Sed quosnam eos esse arbitrare, qui
Huc ad nos accedunt. CA. Nisi
Quid me fallit prospectus, ex satellitibus
Sunt iis, quibus sepulchri commissa fuit
Custodia. CA. Nihil te fecellit visus: Thraso est, &
Sanga. Nescio quid inter se loquantur serio.
Subsistamus paulisper hic, & eos opperiamur.
Præterea sermonem illorum clanculum
Observemus: qui procul dubio futurus est
De eadem re, quæ nos quoque perturbavit gra-
viter. AN. Hæc

Igitur deflectamus, mox ad eos conversi, negotium
Agemus nostrum: de pecunia loquor
Eis donanda, intellexitin' Caipha; CA. Probè.

ACTUS II. SCENA II.

THRASO, SANGA, ANNAS, CAIPHAS.

Ejusdem generis versus.

O Admirandum, & nullis verbis efferendum
Prodigium! Nil pol in vita mihi accidit
Formidabilius. SAN. Et mibi etiam nunc animus
Magno tremit metu. TH. Cui posthac dubium
esse poterit,
Quin jam contigerit, quod de eo fuit divulga-
tum antea;

Caipha

CAI. Audin' Anna quid dicat? AN. Ego verò audio,

*Et me audire tædet. Sed remedium, ut arbitror,
Jam inventum est ei malo.* CAI. Scio. Sed quid insuper

Sint dicturi, porro auscultemus. SAN. *Ego quoque Nazarenum illum, multis tormentorum cruciatibus*

*Afflictum, tortumq; atq; adeo cruci affixum,
Non mortuum jam, sed verè revixisse auguror.
Nam in usitata, atq; insolita erant illa, quæ
Videbamus. Nec est quod somnium quisquam id
Fuisse dicat; cùm vigiles, uti præceptum erat
Nobis, omnes excubaremus.*

THR. Ego certè per totam illam noctem nunquam omnino me

Dormivisse scio. Sed quid, quod te rogem?

SAN. Quid? cedò. TH. Nonne tibi terribilis ille fulgor

Videbatur, qui ex monumento elucebat? quæ mei Nullo pacto ferebant oculi. SAN. Neg^r mei

Profecto: nec unquā memini me perturbatū magis Itaq; in pedes, quantum poteram, me protinus

Conjiciebam. THR. Non tu hercle solus Sanga, sed Et ego, quo non aliis confidentior

Fuit hactenus; tum cæteri,

Quotquot eramus, magno pavore territi, Fugiebamus omnes turpiter.

SAN. Agnoscerem culpam, nisi necessitas,

Durum, ut ajunt, telum nos coëgisset: nam paullum

Si istie mansissimus, periissemus planissime.

THR. Verum dicis: & ideo fugâ vitæ consulere malui,

Quàm frustra repugnans interimi. SAN. Optime: Nam vir fugiens, pugnabit denuo. CAI. Tempus Est interpellandi, nam garriendi

Nullum faciunt finem. accedamus propriùs ad Illos. SAN. Hem Thraso, Annam, atq; Caipham, principes

Nostros hic consistentes video. THR. Sunt? profecto sunt; parum

Mihi videntur hilares: & rectâ ad nos huc accedunt via.

ACTUS II. SCENA III

CAIPHAS, ANNAS, SANGA, THRASO.

Ejusdem generis versus.

EHo, quò vobis iter est? aut qua de re hic fabulamini?

SAN. *Quasi non viderimus eos antè, respiciamus Thraso.* THR. Intelligo. AN. Hem quid mussitatis inter

Vos? SAN. *Quis hic est, qui nos? echo, ignoscite Domini, non previderamus vos: adeò etiam nunc Mens nobis planè obstupuit præ formidine.*

CAI. Facebat stupor, atq; omnis perturbatio.

TH. Itud quidem, factu mihi esset difficillimum.

SAN. *Ego etiam, quo ad vixero, nunquam hujus noctis obliviscar*

Infelix, pedibus pol magnam habeo gratiam,

Qui me ex tanto surripuerunt periclo.

AN. Næ vos imbecilles, trepidi, atque uti mulieres, estis creduli:

*Ad ludicra spectra, & inania phantasmata
Turbati, atque exanimati protinus.* THR. Eho,
quid

Istud? Ludicrane tu illa & vana fuisse existimas?
Totâ erras viâ, aliud profecto dices,
Si adfuisses Domine: nam nimium vera, atque
certa erant

(videre)

Omnia: qualia ego in vita nunquam vidi, neque
Cupiam unquam. Quid tu ais Sanga, in periculo
Eodem qui mecum fuisti?

SAN. Fui hercle, & me in columnen evasisse gaudeo.

CAI. O homines meticulosos, ignavos, atque
trepidos!

(ita)

Animo fortis, & invicto viros esse decet. THR. Non
Loquereris Domine, si ipse præsens adfuisses,

AN. Nugæ. Sed mittamus ea, & ad id quod rogo
Responde te mibi. Verène vos illum revixisse
Putatis? SAN. Id quidem haud dubium est mibi.

AN. Quid tu

Thraso? TH. Verum ego Sangam dixisse existimo.

CAI. Prodigiosa sunt quæ prædicatis, dicite
Sodes, quis unquam mortuus revixit? fabulæ:
Mihi hercle non sit verisimile, neque commen-
tum placet.

AN. Nec mihi profectò, sed auscultate. Est quod
seriò

Loquar vobiscum. SAN. Hic sumus domine; die
quæ

Vis,

Vis, aures ambo tibi præbemus sedulò.

CAI. *Quomodo cunque se res habet, celato opus
Est. THR. Hoc quidem factu esset difficilimum:*
Cum rumor hic per totū dispersus sit oppidum.

AN. *Valeant ista, inveni remedium huic rei;*

Atq; id tale est, ut vobis adjutoribus

Feliciter successurum putem: neg;

*Ingrati erimus. SAN. Hujusmodi obsecro aliquid
inveni.*

*Nos quidem ad vestrum exequendum manda-
tum erimus.*

Parati per omnia. CAI. Jam dudum tale quid

Inventum est: & id utile, atque fructuosum

Imprimis erit vobis. THR. Oh, arrige

*Aures Thraso. SAN. Cedo quid sit, nam audire
gestio. AN. Vestros*

Omnes collegas absq; ulla convocabitis mora.

*Illos dico, quibus sepulchrum servandum man-
davimus.*

Et ne sit inter illos, qui cunctetur, aue

Difficilem sese præbeat: pecuniam hanc

*Omnem, que in turgido hoc marsupio est, inter
Vos distribuetis. Eho, quid stas? accipe.*

*SAN. Hui, tam graves auri loculos? CAI. Rem a-
cu tetigisti: purum enim,*

*Et putum est aurum, aperi crumenam. THR.
Bone Deus!*

Cui unquam quicquam accidit felicius? AN.

Aurum id omne

Inter vos dividite, dein'

Foras egressi, per totum oppidum cuilibet,
 Sive is sit vir sive fæmina, persuadebitis,
 Quantum potestis, non illum revixisse,
 Sed corpus ejus vobis dormientibus,
 A discipulis illius ablatum esse clanculum.
 Quid hoc? placet, an nondum etiam? SAN. Pol
 callidum

Consilium, laudo: & quod jubetis sedulò herculè
 Faciemus: & credo successurum: nam quo modo
 Id fieri soleat, callemus probè. CA. Benignè dicitis.
 AN. Præbete vos viros. SAN. Nunc ad sodales
 Hinc recta proponamus via? CAI. Agite, & hanc
 rem, uti vos decet

Curate gnaviter. THR. Fiet.

Næ nobis hic dies illuxit felicissimè.

ACTUS II. SCENA IV.

MAGDALENA, PETRUS, JOANNES.
Eiusdem generis versus.

Deum immortalem! jamne erumpere hoc mibi
 gaudium?

Jamne exclamare licet? Vivit, vivit profectò,

Quem nos omnes arbitrabamur mortuum.

O nos felices! quibus tam insperatum obtigit

Gaudium. O Deus! serva obsecro

Hæc nobis bona. Sed quos nunc mibi potissimum,

Quibus hæc commemorem optè dari? verbis enim

Vix effari possem, quam cupiditas narrandi, que

Apud sepulchrum, & in reditu ad urbem ipsa con-
 spexi modo.

Quæ non vana, at vera, indubitataque esse existimo.

Sed

*Sed video buc accedentes nescio quos : è grege
Noſtro ſunt, niſi me fallit proſpectus. pauliſſer hic
Subſiftam, donec propius acceſſerint.*

PET. O nos infelices! qui tam amabili Domino,
Atque Magistro orbat̄i ſumus.

JO. Heu quanta de ſpe decidimus! ſperaveramus
Enim illum tertio revicturum die;
*Quod ex ejus ſermone ſæpe me intellexiſſe me-
mini.*

At hæc ſpes nos feſellit miſeros. Sed adeſt
Magdalena. Et læta eſt, niſi me fallunt oculi.

MAG. Joannes & Petrus ſunt, nihil potuit fieri
commodius, huic

*Ad me accedunt. Næ illos læto, gratoque imper-
tiām*

Nuncio. PET. Eho Magdalena, quid tibi accidit?
Videris enim mihi eſſe quām ſoles hilarioſ.

Quod equidē eò magis miror, quòd quo in malo
Verſemur, minimè ignotum ſit tibi. MAG. Fratres
Salpete, nuncium adfero vobis gratiſſimum.

JOH. Quemnam obſecro? cedo ſodes Magdale-
na. MAG. Atqui

*Ego vos oro, atque obteſtor uti auſcultetis. Ex
Me faxo audiatis rem miram atq; incredibilem.*

PET. Agedum, narra amabo. jam dudum nos
præbemus

Attentos. MAG. Ignoratis, quantum gaudium
Ego apportem vobis. Jo. Ah, aufer pollicitationes;
Rem potius ipsam paucis eloquere. MAG. Pa-
ciſſimis.

Jesum Dominum, atque magistrum nostrum revixisse

Vobis nuncio. PET. Eho, vide quid dicas mulier, à morte

Tu Christum revixisse ais? MAG. Ego illum nuncium

Nunc adfero profecto, quem verissimum

Esse deprehendetis. JOH. Magdalena, Faxit

*Deus, ut vera sint, quæ prædicas. MAG. Certa
Res est, frater, dubitare dudum desii.*

Nam ipsa hodie cum alijs quibusdam egressa sororibus,

Sepulchrum inveni vacuum: plurimaq; alia

Prodigiosa, quæ nunc non est narrandi tempus.

Deinde ad urbem cum reverteremur, ipsa

Ego præsentibus alijs Christum vidi vivum: atq; adeo

Cum eo sum collocuta familiariter. PET. Sanane

Es Magdalena? MAG. Sana sum Petre, & veni

Quæ dico reperietis omnia. JO. O nos felices!

Siquidem tu hæc certa prædicas. MAG. Procul

abfit à

Me, ut vos fallam: quid lucri sit mibi, si mentiar?

Aut quem aquare, ac me ipsam se sellero? Fratres, ita

Mibi Deum velim propitium, ut ego vobis

Vera, atq; certa nuncio. PET. Joannes, ego ad

Sepulchrum ipse propero, rem inquisitus

Exactius: mulieri nihil fidei habeo.

JO. Bene facis, matura redditum, nos te expectabimus domi.

ACTUS III. SCENA I.

CLEOPHAS, LUCAS.

Jambici.

EHo, quid ais Luca? Verane esse credis ea
 Quæ mulieres metu simul atq; gaudio
 Perculsa, nunciabant modò? Luc. Ego Cleopha
Quid dicam, aut quid credam planè nescio.
Credulum mulierum genus est, quæ falli atque
errare

Solent facillimè. CLE. Non illæ solùm istud
 Nobis renunciavere, at viri quidam
 Etiam ex nostris, ut audio ad sepulchrum
 Egressi invenerunt illud apertum, & vacuum.
 Luc. Scio frater, atq; eidem illi resurrexisse eum
A morte affirmare non audent: neque id
Verè contigisse omnino credunt. CLE. Haud mi-
 rum profectò.

Quid enim prodigiōsius est, & quid magis
Humanæ naturæ adversatur, quàm hominem
mortuum

Reviviscere? Luc. Est ut dicas, & tamen ipse
Mortuos frequenter in vitam revocavit.

Atq; hujus prodigiōse rei

Nos ipsi testes oculati sumus. CLE. Verè
 Tu frater isthæc prædicas.

Neq; igitur absurdum, aut mirum videri
Debet, si quod in aliis efficere potuit, idem sua
Virtute nunc præstiterit sibi. Luc. Ultinam verum
Sit, quod augurare Cleopha, & tamen istud ita
esse ut

Credam, nondum possum animum inducere. CLE.

Neque ego quidem.

Sed satis jam, satis hic latuimus diu,
Sacerdotum in nos odio, atque metu territi,
Nunc, si videbitur, ex urbe ambulatum eamus.
Luc. Placet. Sed quò nobis eundum existimas?
CLE. In oppidulum Emauntem, non nisi spacio
Sexaginta stadiorum ab urbe dissitum.

*Lu. Nihil ag̃ fecero lubens, properemus: vix enim
Possum eloqui, quam cupidus sim hinc abeundi, &
urbem*

*Relinquendi impiam. V&e vobis principes
Sacerdotum, qui cùm tam horrendum perpetra-
veritis*

*Scelus, nondum tamen vos facti pœnitet,
Nondum flagitiū commissi piget. tanta est
Animi odio, atq; invidiā excæcati pertinacia.
Porro non satis illis fuit,
Hominem ab omni fraude, & culpa alienissimum,
Planèq; innoxium, atq; de ipsis optimè
Meritum è medio tollere in auditis afflictum cru-
ciatibus,*

*Nisi nos insuper, quia ejus discipuli sumus,
Passim infestentur, & omnibus exagitent modis.
Sed ad portam devenimus, exeamus, ne
Quis fortè nos agnoscēs, nostrum impedit iter.
Et in urbem retrahat. *Luc. Recte dicas, & ideo
hic,**

Et alibi quoq; tibi lubenter obsequar.

ACTUS III. SCENA II.

JESUS, CLEOPHAS, LUCAS.
Ejusdem generis versus.

QUæ ex patris cœlestis decreto, pro salute
 Mortalibus miseris restituendâ mihi erant
 Subeunda, ferendaq; toleravi, atq; executus sum
 Omnia. Nunc hoc efficiendum restat mihi, ut
 animos

Discipulorum meorum, etiam nunc imbecilles,
 Atque incredulos confirmem, eisque me
 Conspiciendum præbeam: quo
Quidem spectaculo nihil illis erit
Jucundius. Ac primùm nunc me tertium adjungā
Istis duobus, non ita longè præcedentibus,
Cleophæ videlicet, & Luca: ita tamen, ne me
Agnoscant, nisi postea, cùm fuerit opus. facile
eos assequar.

CLE. Spero hanc mihi ambulatiunculam fore
 Levationi Luca: præsertim cùm te dulcem viæ
 Habeam comitem, qui *pro vehiculo*, ut ajunt,
 Esse solet. **Luc.** *Credo Cleopha, ego quoq; non*
Parū colloquio delector tuo. Sed heu nos miseris!
Qui quotidiano convictu, atq; sermone
Tam pīj, benigni ac prudentis magistri
Spoliati sumus. Quod post hac poterit esse nobis
Gaudium, hoc tanto orbatis bono? **CLE.** Ego
 certè mihi

Insvavem, atque injucundam vitam futuram
 Scio, quando me video destitutum eo,
 Qui in rebus aduersis, ac tristibus solatio

Esse solebat mihi. & propterea si mori
Liceret, mortem huic vite preferendam existimé.
Sed lingvam nobis comprimendam censeo.

Luc. *Quid ita?* CLEO. Insequitur nos nescio
quis: *Viden?* Luc. *Video.*

Sed nihil ab ipso nobis expectandum erit mali.

CLE. Propius accedit. atq; adeo, nisi fallor
Compellaturus nos videtur. **L**uc. *Subsistamus hic*
Paulisper. **J**es. *Quò vobis iter est viri? aut quod-*
nam.

Istud inter vos est colloquium? haud lætum
Ut arbitror: nam mihi parum videmini hilares.
Si quid animo vestro ægrè est, agitedum, profer-
te liberè.

Credite hoc mihi amabò, aut operâ, aut consilio,
Aut re vos juvero. **C**LE. Magnam tibi gratiam
Habemus vir honorande. **J**es. *Eja,* ne celate
quicquid

Est ægritudinis: ut dolori vestro medear, si queā.
Luc. *Amicè loqueris.* **C**LE. Res, quæ nos solici-
tat, omnibus

Est notissima. illis dico, qui hisce diebus
Superioribus fuerunt Hierosolimis, ex quâ
Civitate, cum tu etiam, uti videtur, venias,
Qui fieri potest, ut solus veluti hospes novus,
Ignores ea, quæ hîc sunt acta, pueris etiam
Notissima? **J**es. *Quænam sunt ista? narrate*
Sodes. audire enim desidero. **C**LE. Dicam.
De Jesu Nazareno nobis est sermo: qui
Laudandus vir fuit, & Propheta; quo non alius
unquam

Di-

Dictis & factis potentior: Deo
 Hominibusq; juxta charus. Hunc nostri
 Sacerdotes, populique principes, odio
 Atque invidia accensi, apud Pilatum præsidem
 Reum capitis peregerunt: neq; desistendum sibi
 Futaverunt, donec miseris vexatum, atque affli-
 ctum modis,
 In crucem adegerint, hominem insontem, at-
 que innoxium.

Nos autem magnam spem de eo conceperamus,
 Nempe regem illum futurum populo Israëlitico:
 Atque adeo Messiam, quem diversa vatum
 Divinorum nobis olim promiserunt oracula.
 Sed certa illius, atque ignominiosa mors,
 Magnificam hāc spem nobis ademit infelibus.
 Cūm perswasum tamen haberemus ante,
 Futurum uti post triduum revivisceret. Hodie
 igitur,

Simul ac tertius illuxisset dies, mulieres
 Quædam ex nostro sodalitio, ad sepulchrum
 Egressæ, ac postea reversæ, magis etiam
 Attonitos, turbatosq; nos (tum
 Reddiderunt: nunciantes monumentum se aper-
 Reperiisse, atque vacuum. Hoc etiam adden-
 tes, sibi Angelos

Apparuisse, qui affirmarent illum vivere
 Salvum atque incolumem. Quæ cūm nobis in-
 credibilia

Viderentur, neq; fidem haberemus mulieribus;
 Quidā ex nostris, ut rem cognoscerent exactius,

Ex urbe egressi, verū deprehenderunt esse, quod
 Nunciārant fœminę: inane & apertū se reperiisse
 Sepulchrum, linteamen autem, & cæteras
 Vester, quibus involutum fuerat corpus, com-
 plicatas (apparuisse)

Et repositas se vidisse: ipsum autem Christum
 Nusquam. JES. O vos insipientes, hebetes, &
 tardos ad ea

Iutelligenda, quæ tot olim oraculis,
 Ac vaticiniis divini prophetæ de (hæc
 Jesu prodidere! cur nunc mira, novaq; videntur
 Vobis, quæ sacri quondam vates, numine
 Cœlesti afflati, eventura prædixerunt?

Cur non ea, quæ jam contigerunt, cum illis con-
 fertis

Potius, quām in luce caligatis manifestissima?
 Nonne hoc docent divini spiritus afflatu proditę
 Sacræ literæ, sic visum cœlesti Patri
 Fuisse, ut Christus hæc pateretur omnia?
 Utq; nova ratione morte videlicet sua,
 Generi mortalium amissam repararet vitam?
 Et per crucis ignominiam regnum atque im-
 mortalem gloriam

Affereret sibi? Hac de re cùm plurima
 In Mysticis scriptis reperiantur, multò ante
 Denunciata, vos, quos cæteris sapientia
 Præstare oportebat, tam crasso, atque stupido
 Etiam nunc esse animo, ut Messiam expectetis
 ducem:

Qui copiis ferratis, humanisque viribus

Munitus, cæde, incendiis, ac sanguine
 Mundanum sibi regnū sit asserturus? An non hic
 Pudendus lapsus in vobis, qui Christo hactenus
 Passim adfuistis? & quibus arbitris, & testibus,
 Est executus omnia? (sua

Aliud regnum ille affectavit, non hominum præ-
 Sed ab his longe diversis rationibus (sidiis,
 Stabiliendum. utque ea quæ dico intelligatis,
 Animum quæso advertite. A Mose mihi exordiū
 Sumendum puto: qui patres vestros ex gravi
 Duraque quondam exemit servitute,
 Pharaone Rege Ægypti cum universo exercitu
 in rubro

Mari submerso. Quidnam hoc prodigium, à Deo
 Vobis editum, aliud adumbrat, quam Christum
 filium

Dei in mundum hunc aliquando venturum, po-
 pulumque sibi

Fidentem à supplicio æterno liberaturum,
 Et cacodæmonis tyrannidem morte
 Debellaturum sua? Nam sic olim Deus
 Ad Mosen, vestrosq; patres est locutus:
 Prophetam ex gente tua, atque fratribus tuis
 Suscitabit vobis Dominus, quem audieris,
 Et cui parebitis per omnia. de quo creditis
 Hoc esse dictum? Nonne de Christo? qui ex æ-
 thereo (cibus pro iis

Domicilio in terram delapsus, non tantum pre-
 Qui deliquerant, apud patrem suum
 Intercessit, quemadmodum Mosen fecisse

Legitis : sed suo sanguine, suaque morte
Vitam, atq; salutem restituit omnibus. CLE. O
hominem

Exoptatum! næ tu nobis haud humana, ar
Divina profers oracula, Deum tibi
Pecor propitium, quisquis es,
Qui increpatione tam salubri, tamque
Amica, tarditatem incusas nostram. Sed perge
obsecro:

Nihil enim in vita, tua hac oratione,
Unquam jucundius fuit (Deus
Mihi. Quid tibi videtur frater? Luc. Mirum ni
Nostri misertus, hunc virum reverendum hue
Qui nos verbis consoletur suis. (misericordia,
JES. Possem præterea vobis cōmemorare plurima,
Ex sacrorū vatum desumpta voluminibus: veluti
De Jonā, qui in mare præcipitatus, & ceti
Faucibus exceptus, tertio die vivus,
Salvusque in littus est ejectus. quo miraculo
Quid quæso aliud vobis denunciavit
Deus, nisi Christum pro salute hominum mortē
Obiturum? atque dein' tertio revicturum die?
Sed omittenda censeo, quæ narrare longum
Foret. Veniamus ad propiora, quæ vos ipsi
Præsentes illum non ita pridem audivistis loqui.
Quorum illud imprimis vobis considerandum
arbitror,
Quod Johannes discipulis respondit, quærētibus
An ipse esset promissus Messias, an alias esset
Exspectandus. Renunciate, ajebat, Joanni,

Quæ

Quæ audistis, atq; oculis ipsi conspexitis: cœci
vident,

Claudi ambulant, leprosi mundantur, surdi au-
diunt,

In vitam mortui resurgunt, pauperes
Læto Exangeli exilarantur nuncio.

An non hæc eventura apertè multò antè
Denunciavit vates Esaias? Ecce inquit, Deus
Vester veniet, & servabit vos, tunc aperientur
oculi

Cœcorum, & aures surdorum patebunt: tunc
Saliet claudus sicut cervus, & laxabitur
Lingua mutorum. Nōne hæc ipsi corām vidisti?
An non conspexitis agnum ab Esia
Prædictum, obmutescensem ad convitia, & pro-
bra omnia,

Quin etiam deprecantem pro mortis suæ
Autoribus? Dicite mihi
Sodes, cùm illum videretis cruci affixum,
Atque altè erectum, an ne tum quidem in mentē
Veniebat vobis serpens ille mysticus,

AMose olim in stipite suspensus? ut quicunq; eum
Intuerentur, morsi à serpentibus,
Sanarentur protinus? Nunc ergo, cùm omnia hæc
Inter se congruant, neque

Quicquam à Prophetis olim prædicatum sit
De Christo, quod ille non perficerit,
Atque executus sit planissimè: quo pacto etiam
Nunc, veluti dormientes, atque somniantes
Diffiditis? Quin potius ex iis quæ

Præcesserunt, & quæ ipsi postea coram
Cōspexistis, futura colligitis? Sed abrūpendus est
Sermo prolixior. quanquam plurima sc̄iens
Omisi, quæ commemorare longum foret.
Ad oppidum Emauntem jam devenimus,
Quò vos ire arbitror, mihi autem longius
Hodiè est eundum, itaque vobis valedicens,
Omniaq; prospera precans, oro ut hunc meum
Sermonem liberum quidem, sed ex animo tamē
Benevolo, candidoque profectum, boni
Consulatis. CLE. Domine, quia dulcē haetenus,
Et jucundum te nobis præbuisti
Viæ comitem, dignaberis hic nobiscum vesperi
Cœnare: quo quidem nihil nobis feceris
Gratius. JES. Non possum:nam, ut videtis, ves-
pera

Appetit: & aliò me vocant negotiola^{mea}.

Luc. *Sine te exorari Domine; commodus*
Hic dabitur cœnandi locus. JES. Quanquam de-
creveram

Longius ire, tamen, quia me oratis, obsequar.

Luc. *Hem laudo.* CLE. Gratias tibi agimus ma-
ximas.

ACTUS IV. SCENA I.

CLEOPHAS, LUCAS, JESUS.
Jambici.

Domine, accumbamus, tenuis est quidem ap-
paratus,
Sed ad satisfaciendum naturæ necessitati,
Abundè tamen eum sufficturum puto.

JES.

JES. Nihil est requirendum amplius, sed antea quām

Attingamus quicquam ex iis, quae apposita sunt,
Divinæ erga nos munificentiae agamus gratias.

CLE. Rectè tu istud: nam non nisi à
Precatione cibum sumendum esse arbitror.

JES. Pater cœlestis, qui cibo demisso ex æthere,
Majores nostros quondam saturasti, rogamus, ut
Quæ nunc beneficio tuo

Simus sumpturi, nobis fausta, atque salutaria
Esse velis: ut animo simul & corpore

Ita recreemur, ut hac vita defuncti, cibo

Potuq; tuo cœlesti tecum expleamur affatim!

LUC. CLE. Amen. JES. Attingite jam, quæ nobis
divina est

Largita benignitas. ac primùm hunc accipite

Panē, & satisfacite corpusculo. CL. Hui, quid sibi
Vult hæc non ignota nobis panis distributio?

Atque ô prodigium! quò ille tam subitò se ex no-
stris subduxit

Oculis? LUC. Pre timore animus inborrescit mi-
hi, nec quid loquar,

Nec quid faciam scio. CLE. O nos stupidos, tar-
dos, atque hebetes nimis!

Nonne cùm nobis familiariter inter eundum

Exponeret ex sacris literis prophetiarum

Atq; figurarum oracula, sensimus admirabilem
Quendam ardorem in animis nostris? qualem

quidem

Haud posset excitare in auditoribus

Cujusquam alterius, quamvis facunda oratio.
 Luc. *Est ut dicis frater. pungebat, rapiebat, atq; Adeo inflammabat illius sermo: cajus etiam Nunc stimulos, scintillasq; mihi in animos hærente sentio.*

CLE. Quanta severitas erat in illius vultu?
 Quanta in verbis fides? Sed jam dudum mihi
 Omnis periit cœnandi cupiditas, surgamus, &
 Statim recurramus in urbem, quò fratribus
 Nostris hoc tam gratum, atque admirabile
 Impertiamus gaudium. Luc. *Ego quoque abunde sum satur.*

Nam prodigiosum hoc me satis superq; explevit
 Spectaculum. CL. Vide obsecro Luca, an non co-
 dem modo

Panem fregerit quo facere consuevit?
 Ut non tam manibus fractus, quām cultro acuto
 Scissus videatur, adverte, & specta miraculum.
 Luc. Manifestum certè, atq; indubitatum suæ
 Vitæ nobis hic signum exhibuit. CLE. Sed surga-
 mus. Luc. In

Me nihil est more. Præcede, consequor.

ACTUS IV. SCENA II.

CAIPHAS, ANNAS.

Ejusdem generis versus.

S Atis adhuc, ut puto, res nobis succedunt feli-
 Atque ex animi sententiâ. (citer,
 Quid pecunia efficiat, vides. Næ illi suum
 Sedulò egerunt negotium. per totam enim
 Urbem, jam pridem invisus ille nobis est

Sopitus rumor. Atque hoc jam passim percre-
buit, & (sed

Divulgatum est, non illum à morte resurrexisse,
Ejus corpus dormientibus custodibus,
A discipulis clam esse ablatū. AN. Gaudeo, hanc
Rem uti illis suaderemus, succurrisse nobis.

Atq; ut quod sentio loquar, verisimile mihi
Hoc nostrum inventum videtur: neq; in eā
Re hallucinari, aut falli nos existimo.

Quis enim non potius istud esse verum censeat,
Quām mortuum, & per tres dies sepulchro
Inclusum vivū revixisse? CAI. Quomodo cunq;
Se res habet, sapienter, callidèque istud
A nobis est exegitatum, nam dispendium
Pecuniæ istius ego nihil moror. AN. Neq;
Ego profecto, quin nihil unquam cuipiam rei
Impensum esse puto utilius, ac commodius. atq;
Ideò recte vulgo dicitur: pecuniam in loco
Negligere, maximum interdū esse lucrum. Quan-
quam hoc quicquid est

Facturæ, aliundè facile sarciemus propediem.
Nunc nihil aliud nobis restat, nisi ut omnibus
Enitamur viribus, ut universum istud
Hominum seditionum extirpetur genus.
Neq; est quod cujusquā nos misereat, cùm omnes
Eorum conatus eō spectare videamus,
Ut sacri nostrorum patrum tollantur ritus: &
novam

Ipsi suam heresin præstigij, atq; technis
Dispergant quolibet. CAI, Recte, ita me Deus amet

Consulis. *Nam principiis obstandum est: & satis
Periculi jam adire cœpimus. Quòd si
Nos in hac re aut languere, aut cessare viderint,
Immane, quantam illi passim turbam brevi
Conciverint! An. Id ne fiat, nobis, qui principes
sumus*

Civitatis, summa adhibenda cautio est.

Atq; ideo crastino die

Totum Sacerdotum atq; Scribarum ordinem

Curabo convocandum: ut ex eorum sententia

*Decernatur, quod ad hanc rem pertinere video
bitur*

*Maximè. CAI. Rectè, placet: nunc intro eamus.
Sed audi quid te præterea velim. AN. Quidnam?
cedò.*

*CAI. Ut adesse in cœna mihi digneris vesperi.
Invitavi alios etiam quosdam de nostro gregè,
Tibi non ignotos, indulgebimus genio,
Atque hilarem hanc sumemus noctem. AN. Be-
nignè, atque*

*Amicè loqueris; & ideo id tibi nullo modo
Negandum existimo. CAI. Bene facis, laudo. AN.
Ipræ, sequor.*

ACTUS IV. SCENA III.

JOANNES, CLEOPHAS, JESUS.

Ejusdem generis versus.

*Vide etiam nunc amabò Cleopha, ut haec certu-
Atq; indubitate sint, quæ prædicas: ne nos
In breve, falsumq; conjicias gaudium.*

*CLE. Verissima sunt, quæ nuncio, Joannes: quæ
non ego* Solus

Solus vidi, sed frater quoque Lucas tecum.
 Itaque non auriti istius prodigiosæ rei,
 Sed oculati testes ambo sumus. atque quod
 Ego tibi renunciavi, idem illum commemoras-
 se jam

Reliquis nostris fratribus arbitror: nam ad illos
 Rectè modò properabat via. JOA. O Deus!

Servaq; hoc nobis bonum. CLE. Frater, nunquam
 quoad vixero, mihi

Ex animo ista excident dicta, quibus ille nos
 In itinere simul increpabat, atq; consolabatur
 Familiariter: ex sacris literis nobis
 Diversa inculcans oracula. Neque ea solùm,
 Sed insuper alia multa, quæ nobis præsentibus
 Ipse aliquando prodigiosè fecit, & locutus est
 Salubriter. JO. *Nihil profecto mirum, si uester
 animus*

Commoveretur, cùm ille loqueretur vobiscum,
Ex cuius ore non svadela, sed divinus ipse
Emanat spiritus. At eccos omnes cum Luca simul
Huc accedentes, vide sodes ut gestiant,
Et quam lèti, atque alacres sient. CLE. Et me-
 ritò quidem, (dio.

Cùm tanto, ac tam insperato exhilarati sint gau-
 Agite fratres, quam vobis voluptatem
 Lucas impertiit, certa atque indubitata est nobis.
 Nunc unum hoc restat, ut Deo
 Simul omnes gratias agamus, pro tanto illius
 Erga nos beneficio, ut probos, gratosque ho-
 mines decet.

JOA. *Ita sanè nos facere oportet. JES. Pacem vobis precor*

Fratres. JOA. *Hui, quid hoc novæ rei est! Deum Immortalem! serva nos obsecro. CLE. O prodigium! membra mihi* (tite)

Tremunt metu. JES. *O meticulosos! ego sum, mit Timorem, non spectrum videtis, aut simulachrum ludicum,*

Et vanum; sed me, me dico ipsum, non incognitū Vobis. vidistis antè me frequentius, Eundem nunc corām conspicitis. agitedum, Accedite propriūs, atq; contemplamini Obsecro, manus imprimis, ac pedes meos, Manifesta habentes clavorum vulnera. quid hæsitatis?

Advertite mentem, oculosq; intendite acriter: Et desinite tandem existimare vos Videre spiritum. Spiritus enim nec carnē habet, Nec ossa, quæ me habere conspicamini. Quod autem nunc videtis me, nunc inconspectus sum

Humanis oculis; non est præstigium, aut fallacia, Sed dos, & corporis mei præstantia, Immortalitate jam donati. Talia Erunt, & vestra corpora, ubi supremo mundi die Aliquando revixerint. Sed ô vos anxious, Ac pavidos! Bono animo estote, & confidite. Manus atq; pedes clavis transfixos, modò Vobis conspicierdos præbui: nunc pectus lancea Perforatum conspicite. Hæc vulnera

Mihi

Mihi servare volui, ut certissimis vestigiis,
 Et signis veritatem humani corporis
 Mihi asseram, & vobis, aliisq; probem. Sed ut
 Ab omni vos ambiguitate liberem (nolo
 Enim quicquam in vobis residere diffidentia)
 Habetisne h̄ic aliquid quod edam? eja, apponite.
 Nam nullum vobis exhibere possum certius
 Argumentum vitæ meæ, atq; corporis
 Vivi, quām si me edentem conspexeritis.
 Apponite inquam, & desinite esse increduli.
 Jo. *Visa quid apparatus nobis siet.* Je. *Exiguus, isq;*
 Vilis erit satis. Joa. *Ecce partem piscis affi,*
Et apiarū favi. Jes. *Hæc abunde*
 Suffecerint. Joa. *Hui, quod novum ego miraculum*
Video? hæsitare dudum desii. O nos felicissimos!
 Jes. Oh, nihil est quod miremini.
 An nunc novi videtur vobis accidisse quippiam?
 Quæ jam sunt facta, eventura sacra multò
 Antè vobis vatum prædictere oracula.
 Et eadem fide etiā reliqua præstabuntur omnia,
 Quæ ab iisdem quondam sunt denunciata: de
 Reditu videlicet meo ad patrem: de spiritu
 Cœlesti mittendo: qui vos, hoc corpore
 In cœlum sublato, consolabitur,
 Et confirmabit in adversis omnibus.
 Tunc Evangelium per totum terrarum orbem
 Intrepidi dispergetis, neque reges, neque
 Tyrannos metuentes ullos. quanquam non de-
 erunt, qui
 Vobis reclamabunt, qui persequentur, qui è

Medio vos tollere conabuntur. Sed nihil
Agent, frustraque se fatigabunt, vobis enim
Divino spiritu confirmatis, neque
Nocere, neque laedere poterit quisquam. Quia
idem ille

Spiritus eloquentiam admirabilem,
Atque animi invictam fortitudinem vobis
Infundet. Et quibuscumque sua crimina,
Ac delicta remiseritis, remissa erunt: (per
Quem vero retinueritis, retinebuntur omnia. Insu-
Rebus prodigiose gestis, atque editis miraculis
Gratiosos efficiet vos passim, atque celebres.
Sed jam tempus est hinc abeundi. Pacem precor
Vobis. pacem relinquo omnibus. IOA. O Summe
Deus!

Cui unquam quicquam accidit admirabilius?

CLE. Hui, Ex oculis nostris quod se subduxit tam
cito? (dium!

IOA. O magnum, & nullis verbis efferendum gau-
Ob, vix sum apud me, ita letitia, ac formidine
Mens turbata est mihi. Quam doleo Thomam
bodie

Non adfuisse nobis. CLE. Ego eum tibi, ubi ubi
Est, inventum dabo. IOA. Age propera, ac matu-
ra redditum. CLE. Eo.

ACTUS V. SCENA I.

THOMAS.

Jambici.

ADMIRABILIA profecto sunt, & nova,
Atque adeo inaudita, ac minimè verisimilia,
Quæ

Quæ non solum mulieres, sed omnes etiam
Fratres nostri sibi evenisse prædicant.

Nimirum Christum revixisse, atq; eum se vidisse
Salvum & in columem, quem omnes quidem sci-
mus

Suspensum in cruce, mortuum, & in sepulchro
conditum.

Ego certè nihil malim, quā id ita esse, ut asserunt.
Sed quò magis istud verū esse cupio, hoc minùs
Ut ita credam esse, animnm possum inducere.
Sed ecum accedentem Petrum, Joannem atque

Cleopham,

Reliquosq; fratres. Hi eandem cantiunculam
Ad aures occinent mihi.

Sed nihil agent: obfirmavi enim animum, neque
Ab hoc proposito ullis me patiar avocari
Rationibus. Silicem celerius, aut cautem Mar-
pesiam,

Quām me commoverint. Opperiat hic eorum
Adventum, quid inter se locuturi sint,
Observabo sedulò.-----

ACTUS V. SCENA II.

PETRUS, JOANNES, THOMAS, JESUS.

Ejusdem generis versus.

-----Quanquam satis

Certum atque indubitatum jam nobis est Chri-
stum magistrum

Nostrum revixisse: & cùm nullus inter nos
Sit, qui ipsum vivum, & nobiscum loquentem,
Atq; adeò comedentem (quod certissimum

Vitæ est argumentum) non confpexerit : tamen
 Istud Thomæ fratri nostro probare non
 Potuimus haec tenus. quia ipse eum
 Non vidit, ludificatos nos phantasmate, aut
 Spectro aliquo existimat. JOA. Ita est ut dicas
 Petre:

Ab hac persuasione abduci non potest. PET. Ego
 Certè nullo modo mihi dubitandū jam arbitror
 Amplius, atque hanc mentem illi etiam velim
 dari. JOA. Procul

A nobis absit illa pertinacia,
Atqe incredulitatis culpa. THO. *Audio: culpam*
tamen

Licet appellant, ego eam nihil moror: nego,
Tam pertinaciam meam, ut ex animo loquar,
Quàm illorum stultitiam, atqe in credendo facili-
tatem

Incusandam puto: qui rei
Neutquam credibili, continuò fidem
Sibi habendam esse existimant.
Sed accedam ad eos, & quasi antea non viderim
Assimulabo. Fratres, hiccine eratis? quomodo se
habent

Res? JOA. Hem Thoma, opportunè nobis venisti
 obviām:

Nam te quæsum egressi sumus
Foras. THO. *Quid ita, aut quædere? sed scio*
: quid sit

Futurum: nam idem erit, nisi quid me fallit
animus,

Quo

Quo me hosce oēto obtundere non desisti dies.

PET. Recte conjectas: de eodem certe. quam te

Mutasse jam sententiam

Existimamus, neq; refragaturum nobis diutius.

JOA. Acquiesce frater, nihil falsi renunciavimus tibi.

Ipsi vidimus, & audivimus eum loquentem,

Et comedentem insuper: quid amplius requiriendum putas?

THO. Nimium profectò credulum me esse arbitrer,

Si id vobis credam. vetus est dictum: Qui facile credit,

Facile fallitur. PET. Non illa credulitas .

Est Thoma. patere te induci, atq; assentire

Nobis. THO. Nihil agitis. JOA. Eja, sine tibi istud persuaderier.

THO. Non sinam inquam, quid me de re eadem appellatis

Toties fratres? hoce ego ex animo nunc vobis dico:

Non credo illum à morte revixisse, nisi ipse eum

Vivum hisce confexerim oculis. Imò ne oculis quidem solis

Fidem sum habiturus. Nam nisi in ejus manibus, & pedibus

Clavorum viderim vestigia: tum in latus,

Quod illi perforavit lancea, digitum

Inseruero, nunquam credam illum vivere.

PET. Ea nobis conspicienda exhibuit omnia..

44 TERENTII CHRIST:
Crede hoc mi frater. Tho. Non credam. Joh.
Ab, adamantinum
Propositum, nunquam divelli à sententiâ
Semel infixa. Tho. Sic sum: nec aliter uti exi-
stimem,
Efficietis unquam. ne me obtundite amplius.
Jes. Pax vobis fratres. Tho. Hui, quām ego no-
vam rem video?
Deum immortalem! servame miserum obsecro.
Jes. Thoma, quandoquidem habere fidem iis
hactenus
Noluisti, qui me viderunt à morte vivum,
Nisi ipse me corām conspexisset: accede huc pro-
pius, &
Infere manum in clavorum vulnera, ac inspice
Vera, atq; manifesta ferri vestigia. quin admove
Digitos in latus meum, & contrecta lanceę vul-
nus:
Et posthac noli aliis in rebus eodem incredulus
Esse modo: sed fidem achibe promissis meis.
Quæ quamvis incredibilia sint fortasse humanis
lensibus:
Tamen ea neque te, neque alium
Quenquam fallent unqua m: mentiri enim non
est meum.
Quapropter quæcunque aut Pater
Meus cœlestis olim se vobis per vatū oracula
Effectum recepit, aut (sunt
Ego eventura prædicti, illa jam majori ex parte
Exhibita. & quod præterea restat, præstabitur

Vobis. Tho. Dominus tu meus es, tu Deus meus.
 Ebeu me infelicem! ut nunc totus displiceo mibi,
 Qui tam incredulus, ac pertinax fui hactenus.
Quàm me pudet mei! malo
Equidem me dignum quovis deputo.
 JES. Recipe animum Thoma, quia
 Vidisti me, & loquentem audivisti insuper,
 Tandem credis. Quàm putas eos fore
 Beatos, qui cùm me non viderint, neque
 Audierint, credituri sunt tamen, valete.
 Pacem vobis commendo, & concordiam: quibus
 In hoc mundo felicius
 Reperitur nihil. -----

ACTUS V. SCENA III

THOMAS, PETRUS, JOANNES.

Eiusdem generis versus.

----- Bone Deus! totus horreo, actremo:
 Membra metu debilia sunt, genua labant mibi:
 Tum in pectore nihil consilii consistere
 Potest. Et tamen ut pertinacia, atq; incredulitas
 Mentem meam occupavit hactenus, ita nunc
 Postquam illa diffidentia
 Est exempta, animus planè confirmatus est
 Mibi. PET. Divina id in te frater, gratia efficit:
 Quam nos quoque experimur affatim. Tho. M^r
 Petre, sentio,
 Sentio, inquam, cælestem in me operantem spiri-
 thum.

Sed

*Sed ipse me nunc execror,
Ac detestor, qui nulli omnino auscultans, tam
Præfractum, durum, & pertinacem me hæc tenus
Præbuerim. Quod quidem peccatum esse fateor
gravissimum:*

*Ejusq; ex animo jam me pœnitet. Sed gaudeo
Tamen, cùm hoc delictum remissum sit mibi.
Eho, quis obsecro me vivit felicior?
Nemo certè quisquam. O quibus præconijs.
Divinam erga me prædicabo munificentiam?
Hoc satis certò scio,
Nunquam me quicquam dicturum tam magni-
ficè,
Quin Christi Domini, atque Magistri mei lon-
gè id
Supereret clementia. PET. Piè hoc abs te frater, &
Verè dicitur: Humanæ enim naturæ magna est
fragilitas,
Atq; omnes, ad deteriora proclives sumus.
Ideoq; actum esset de nobis, nisi Deus
Sua nos confirmaret gratia. THO. Istud ut
Verum esse confitear, res ipsa me compellit.
Nunc*

*Hoc nobis restat fratres, ut Deum simul
Laudemus, eiq; gratias agamus, pro.
Maximis ipsis erga nos beneficijs.*

*JOA. Rectè tu istud Thoma, & uti te decet: Sed
sub
Noctem fratribus, ac sororibus omnibus
Convocatis, id fiet tutius, & commodius. THO.
Placet.*

Pet-

PERORATIO.

Jambici.

Hic spectatores, auditor sibi desistendum putat:
Cum ascensus Christi ad cælum, qui nunc re-
stat, scenico

Aptè exhiberi non possit choragio.

Sed antequam domum hinc eatis. paucula

Audite quæso, quæ ex usu vobis fore

Confido: & unde magnum gaudium, & volupta-
tem

Non mediocrem vos percepturos arbitror.

Estate igitur paulisper attenti, mibique aures

Arrectas, & animos præbete benevolos.

Ex omnibus quæcunque sacris continentur li-
teris,

Una hac nobis consideranda maxime,

Ac perpendenda est historia: quæ nos docet

Christum, ut patrem cœlestem nostro criminé

Offensum, placatum, ac propitium nobis redderet,

Humanâ carne indutum, mortem morte viciisse

Sua: & ex miserrimo, atque æterno servitio

Nos in libertatem afferuisse fibi. O victoriam,

Cum qua nullus Triumphus posset compararier!

Quæ nobis clausam ad cælum reseravit viam,

Salutemque amissam restituit omnibus.

Ilbi jam tua Mors sunt spicula,

Quibus haec tenus impunè impetiisti quoslibet?

Ubi lethalis morsus? ubi Tartareæ faces?

Sanguineum jam tibi est contusum, atq; obtritū
caput:

Vis elanguit omnis. quæq; ante millia
 Multa hominum crudeli tua premebas
 Tyrannide, nostrisq; illudebas calamitatibus,
 Nunc ipsa obtorto collo in vincula, atque carce-
 rem,
 Protracta, luges, lamentaris, ejulas.
 At nos contrà triumphamus, gaudemusque af-
 fatim,
 Ergastulo, atq; faucibus cacodæmonis
 Exempti. Nunc itaq; nihil supereft, nisi ut
 Assertorem, atq; vindicem Christum, Deum,
 Dominumque nostrum, summis efferamus lau-
 dibus :

Ei q; gratias agamus supplices,
 Pro immensa ipsius erga nos clementia .
 Quod sedulò ut pro se quisq; faciat, hinc domum
 Digressus, vos omnes oramus: tum id quoq;
 Ut, si quod egimus placuit, plaudatis comiter.

F I N I S.

